

Nd.

113. Frumvarp til laga

um breyting á lögum nr. 54 15. júní 1926, um vörutoll.

Frá meiri hluta fjárhagsnefndar.

1. gr.

2. töluliður 1. gr. laga nr. 54 15. júní 1926 hljóði svo:

Af akkerisfestum (hlekkjafestum), akkerisvindum, akkerum, haðlyfum, baðmullarfræsoliu (cottonseedoil), barkarlit, bátsuglum (Davider), bifvélum (motorum) heilum og í hlutum, bjarghringum, björgunarheltum, blásteini, blikki, blýi, blýlóðum, botnarúllum, botnarúllukeðjum, botnvörpuhlerum og efni í þá, brýnum, bókum prentuðum og ljósprentuðum erlendis fyrir islenzka útgefendur, bandi af islenzkum bókum, sem eru innbundnar erlendis, eldavélum, feitissýrum (fatty acids) til sápugetar, fiskifóðurmjöli, færum, garni til fiskumbúða, gipsi, girðingarnetum, girðingarstólpum úr járn, girðingarvír, glaubersalti, gluggagleri, gólfbræðingi (linotol) og gólfdukkum (linoleum), herfum, hitunartækjum, hjólásam, hjólklöfum (blökkum), hjólum, húsapappa allskonar, jarðhnetuolíu (groundnutoil), járnbitum og járnbrautarteinum, járngirði, járnþípum, kerrum, kjötfóðurmjöli, kokolit, kokosfeiti (kokosnutoil), korki, kvíslum, köðlum allskonar, körfum til uppskipunar, lausum umbúðum, lóðabelgjum, lóðavindum, litum til málningar (þurru litum) nema menju, jarðlitum til málningar, melasse, melassemjöli, merkisþjöldum, mómylsnu, netagarni nema hampgarni, netum, olíufatnaði, olíum í tunnum eða dunkum öðrum en steinolíu eða benzíni, pappír og pappa til bókbands, pappír innbundnum og heftum, áprentuðum eyðublöðum, hverskonar sem er, áprentuðum bréfsefnum og umslögum, bréfsefnum og umslögum í öskjum, plógum, rafmagnsvökum, saum, segldúk, skilvindum og öðrum smjörgerðartækjum og ostagerðar, skipaskrúfum (úr járn),

skóflum, sláttuvélum og öðrum heyvinnslutækjum, smiðajárni, spöðum og öðrum jarðyrkjuáhöldum, stáli, steinmulningi (terrazzo), striga, strigaábreiðum (Presenninger), stýriskeðjum, söltuðum húðum, tilbúnum seglum, tini, togvindum (trawlwinch), tómum pokum, tómum tunnnum, tréolíu (woodoil), þykkri tréolíu (prepared woodoil), tvistúrgangi, vatnhreyfivélum, veiðarfæralásam allskonar, virkøðlum, virtrossum, vélaáburði, vögnum, þakjárn, önglum, öngul-taumum, 1 króna af hverjum 50 kg.

2. gr.

Á undan næstsiðasta málslið 1. gr. komi ný málsgrein, svo hljóðandi:

Ef vélar, sem eingöngu eru notaðar til innlendar framleiðslu, eru yfir 1000 kg. að þyngd hver vél, greiðist vörutollur af því, sem er yfir 1000 kg., aðeins með kr. 1.00 af hverjum 50 kg.

3. gr.

Næstsiðasti málsliður 1. gr. sömu laga hljóði svo:

Undanþegnar gjaldi þessu eru vörur, sem sérstaklega er lagður tollur á, prentaðar bækur og blöð, með þeim undantekningum, sem getur í 2. tölulið 1. gr., ósmiðað gull og silfur, skip, bátar, tigulsteinar, eldfastir steinar, óhreinsað járn í klumpum, heimilismunir manna, er flytja vistferlum til landsins, vana- legur farangur ferðamanna, pappír, sem ekki fellur undir 2. tölulið 1. gr., tilbúin áburðarefni, oliukökur, hey, beitusild, steinlimspípur, leirpípur, sandur og endursendar fiskumbúðir, ennfremur kornvörur. Auk þess eru undanþegnar allar íslenzkar vörur, sem endursendar eru til landsins frá útlöndum, ef þær eru endursendar í sömu umbúðum, sem þær voru sendar í burtu, enda sé gjaldheimtumanninn rikissjóðs, þar sem heimsend vara er sett á land, afhent vottorð frá tollgæzlustöð, þar sem varan er flutt á skip til heimsendingar, um að hún sé íslenzk vara. Notaðir munir, er sendir hafa verið til aðgerðar, endursendar umbúðir um útfluttar iðnaðarvörur eru og undanskildar vörutolli.

4. gr.

Lög þessi öðlast þegar gildi.

Greinargerð.

Frv. þetta var sent fjárhagsnefnd af fjármálaráðuneytinu, en er samið af skipulagsnefnd atvinnumála. Fjárhagsnefndarmenn eru óbundnir um einstök atriði frumvarpsins. Frv. fylgdi svo hljóðandi greinargerð frá skipulagsnefnd:

„Fyrir breytingunum, sem felast í frumvarpi þessu, er gerð grein í greinargerð, sem fylgir frumvarpi til laga um viðauka við og breyting á lögum nr. 11 2. júní 1933, um bráðabirgðaverðtoll. Er þetta gert sökum þess, að frumvörpin eru mjög nákominn hvort öðru, og visast því til ofanefndrar greinargerðar. Breytingar þær á þessu frv., sem þar er ekki getið um, eru þær einar, að orðið „fatacit“ er leiðrétt í „fatty acids“, hampur og hampgarn fellur í burt samkvæmt breytingu á síðasta þingi, orðinu „terrazzo“ er bætt við til skýringar á eftir orðinu „steinmulningi“, tunnuhlutar falla í burt samkvæmt breytingu á síðasta þingi, og í stað „sild“ í 3. gr. kemur „beitusild“, enda hefir „sild“ í lögnum jafnan verið skýrð á þennan veg. Breytingar þessar eru settar í frv. samkvæmt bend-ingum frá tollstjóranum í Reykjavík.“